

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
TUŽILAŠTVO SREDNJOBOSANSKOG KANTONA
Broj: T06 0 KT 0029571 21
Travnik, 02.06.2022. godine**

**Općinski sud u Travniku
Sudiji za prethodno saslušanje**

Na osnovu člana 45. stav 2. tačka i) i člana 241. Zakona o krivičnom postupku Federacije Bosne i Hercegovine („Službene novine Federacije BiH“, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14, 56/16 i 74/20 – u daljem tekstu „ZKP FBiH“), podižem:

OPTUŽNICU

Protiv:
Zdravko Bašić rođen 1966. godine.

Što je:

1. Dana 20.06.2021.godine oko 21,50 sati u mjestu Kula bb, općina Busovača, nasiljem, te naročito drskim i bezobzirnim ponašanjem ugrozio građanski mir J. B., na način što je došao u prostorije šupe oštećenog, koja se nalazila u neposrednoj blizini kuće, a potom ničim izazvan zadao oštećenom tupo tvrdom predmetom jedan udarac u predjelu glave uslijed kojeg udarca je oštećeni J. B. kratko izgubio svijest, da bi nakon što je oštećeni došao svijesti upitao ga šta se dešava, na što mu je Zdravko Bašić odgovorio *”zbog toga što ti, J. i Z. niste došli kod Rajića”*, a potom ga uhvatio za košulju i podigao te doveo do česme iz koje tekla voda gdje je oštećeni obrisao krv sa lica, a potom mu naredio *idi sad kući*, iako je bio svjestan da na taj način vrši nasilje i da se drsko i bezobzirno ponaša, što je i htio, te je J. B. tom prilikom nanio lake tjelesne ozljede razderno-nagnječne rane na glavi u području slijepo-očne regije,
2. Dana 20.06.2021.godine oko 22,00 sati u mjestu Kula bb, općina Busovača, pucanjem iz vatrenog oružja izazvao opasnost za živote ljudi, na način da je iz pištolja marke “Crvena zastava”, model CZ-99, tvornički serijski broj 98172, ispalio dva hitca od kojih je jedan metak pogodio kuću A. M., dok su se u neposrednoj blizini nalazile i druge naseljene kuće porodice M., svjestan da na taj način može izazvati opasnost za živote ljudi i htijući to, a koji tragovi su pronađeni prilikom uviđajni radnji od strane policijski službenika PU Kiseljak,
3. Od tačno neutvrđenog dana do 21.06.2021.godine u mjestu Kula bb, općina Busovača suprotno odredbama člana 7. stav 2. tačka g) i člana 8. stav 1. tačka c) Zakona o nabavci, i držanju i nošenju oružja i municije (Službene novine SBK broj: 12/2014), neovlašteno držao poluatomatski pištolj jugoslovenske proizvodnje, marke “Crvena zastava”, model CZ-99, cal.9m, PARA, tvornički broj: 98172, iako je znao da je držanje vatrenog oružja potrebno odobrenje, a koje vatreno oružje je koristio prilikom izvršenja krivičnog djela na način opisanim u tački 2.,

dakle, pod tačkom 1. nasiljem i naročito drskim i bezobzirnim ponašanjem ugrozio građanski mir drugog, pod tačkom 2. pucanjem iz vatrenog oružja izazvao opasnost za život ljudi i pod tačkom 3. bez odobrenja držao vatreno oružje za čije nabavljanje je potrebno odobrenje.

Čime je počinio pod tačkom 1. krivično djelo nasilničko ponašanje iz člana 362. stav 2. Krivičnog Zakona Federacije Bosne i Hercegovine, pod tačkom 2. krivično djelo izazivanje opće opasnosti iz člana 323. stav 1. KZ FBiH i pod tačkom 3. krivično djelo nedozvoljeno držanje oružja i municije iz člana 69. Zakona o nabavci, držanju i nošenju oružja i municije SBK Travnik, a sve u vezi sa članom 54. KZ FBiH.

Na osnovu člana 78. KZFBiH tužilaštvo predlaže da se osumnjičenom Zdravka Bašić izrekne sigurnosna mjera trajno oduzimanje predmeta i to: poluatomatski pištolj jugoslovenske proizvodnje, marke "Crvena zastava", model CZ-99, cal.9m, PARA, tvornički broj: 98172.

Na osnovu člana 202. Zakona o krivičnom postupku F BiH, tužilaštvo predlaže da se osumnjičeni obaveže da nadoknadi troškove krivičnog postupka u iznosu od 80,00 KM koji se sastoje od troškova vještačenja, kao i druge troškove u visini i roku koji odredi sud.

KANTONALNI TUŽILAC